


ჰანიბადი

50 პერსონა – მათ შექმნეს ისტორია

2017-10-25

ჰანიბადი



50 პერსონა – მათ შექმნეს ისტორია

ტომი 20

ავტორი გრანი ქავთარია

რედაქტორი დავით იოსებაძე
კორექტორები: სვეტა კვარაცხელია, ნატალია ჩიშაკაძე
დისაინერი რატი თორდია
პასუხისმგებელი რედაქტორი ნატალია ახვლედიანი
კომპიუტერული უზრუნველყოფა რეზო თხიფიშვილი
პროექტის მენეჯერი ელისო რეხვიაშვილი

© გამომცემლობა პალიტრა L, 2017
მისამართი: თბილისი, იოსებოძის ქ. #49
E-mail: book@palitra.ge;
ტელ.: 238-38-71
www.palitra.ge

ჟურნალ «ისტორიანის» ბიბლიოთეკა

თავი I. კართაგენი პუნიკურ ომებამდე

ძველი მსოფლიოს ისტორიაში წარმოებული ყველაზე ხანგრძლივი ომი ცნობილია პუნიკური ომების სახელწოდებით. ამ დაპირისპირებამ, რომელიც მიმდინარეობდა რომა და კართაგენს შორის, გადაწყვიტა ხმელთაშუა ზღვაზე ჰეგემონობის საკითხი. ომის მთავარი შემოქმედი იყო კართაგენი.

ანტიკური ტრადიციის თანახმად, კართაგენი (ფინიკიურად «კარტხადაშტ», ბერძნულად «კარხედონ», ლათინურად «კართაგო») ფინიკიელებს დაუარსებიათ («კარტხადაშტ» ფინიკიურად ახად ქადაქს ნიშნავს) ძვ. წ. IX საუკუნის ბოლოს, 825 თუ 814 წელს, აფრიკის ჩრდილო სანაპიროზე, დღევანდელი ტუნისის ყურეში.

მისი დაარსება ცნობილი ქადაქის, ტვიროსის, სახელს უკავშირდება.

თავდაპირველად კართაგენი, როგორც კოლონია, მეტროპოლიის კონტროლს ემორჩილებოდა და გარე სამყაროსთან დამოუკიდებელი ურთიერთობის უფლება არ ჰქონდა. ამის გამო დიდხანს ჩვეულებრივ რიგით ახადშენად რჩებოდა.

ძვ. წ. VIII საუკუნის მეორე ნახევარში ხმელთაშუა ზღვის დასავლეთში არსებული ფინიკიური კოლონიების მდგომარეობა შეიცვალა. ასურეთის მეფე სადმანასარ V-მ (ძვ. წ. 726-722 წწ.) ფინიკია დაიპყრო. ტვიროსი ჩამოქვეითდა. ამით ისარგებლეს ხმელთაშუა ზღვის დასავლეთ აუზში არსებულმა მისმა კოლონიებმა და თავი დამოუკიდებლად გამოაცხადეს.

ფინიკიის დამოუკიდებელ არსებობას მომაკვდინებელი მახვილი ჩასცა აქემენიდურმა სპარსეთმა. ძვ. წ. VI საუკუნეში მთელი სანაპირო აქემენიდების იმპერიის შემადგენლობაში შევიდა.

მეტროპოლიის დაცემამ ხელი შეუწყო კართაგენის გაძლიერებას. ძვ. წ. VII საუკუნის შუახანებისთვის იგი სათავეში ჩაუდგა აფრიკაში არსებულ ფინიკიურ ქადაქებს. ზოგი ძალით, ზოგი ნებით თავის ძადაუფლებას დაუმორჩილა, მაგრამ კართაგენი მხოლოდ ამით არ დაკმაყოფილდა. იგი შეუდგა დამოუკიდებელი საკოლონიზაციო ქსელის გაბმას როგორც აფრიკის კონტინენტზე, ისე მის გარეთ.

კართაგენმა უკონკურენტოდ გააფართოვა თავისი გავლენის სფერო, პოლიტიკური და ეკონომიკური ურთიერთობა დაამყარა სიცილიასა და იბერიის (ესპანეთის) მრავალრიცხოვან ტომებთან. ღროის მცირე მონაკვეთში ტვიროსის ყოფილი კოლონია ერთ-ერთ თვადსაჩინო პოლიტიკურ ძალად იქცა ხმელთაშუა ზღვის დასავლეთ სანაპიროების ქვეყნებში. მის დაქვემდებარებაში აღმოჩნდნენ აფრიკის ძველი ფინიკიური ქალაქები: უტიკა, დეპტისი, ჰადრუმეტუმი და სხვები. კართაგენმა დაიმორჩილა ესპანეთის სანაპიროზე არსებული ფინიკიური ახალშენები და ხმელთაშუა ზღვის დასავლეთ აუზში მდებარე კუნძულებიც, მათ შორის – სიცილიის მნიშვნელოვანი ნაწილი. აქტიური მოქმედებების შედეგად, კართაგენის სახით ჩამოყალიბდა დიდი და ძლიერი სახელმწიფო, რომლის გავლენამ ატლანტის ოკეანის სანაპიროებს მიაღწია.

ძვ. წ. VI საუკუნის მიწურულს კართაგენმა გააძლიერა აგრესია ახალი ტერიტორიების მისატაცებლად. ამ მხრივ განსაკუთრებით გამოირჩეოდა ცნობილი კართაგენელი სარდალი, მადხუსი. მადხუსმა დაამარცხა აფრიკელი ტომები, დაამთავრა ომი კირენასთან და დაადგინა საზღვარი აფრიკის ბერძნებთან. მადხუსი მეთაურობდა კართაგენის არმიას კუნძულ სარდინიაზე, მაგრამ დამარცხდა და, მრავალი დამსახურების მიუხედავად, სამშობლოდან გააძევეს.

მადხუსის განდევნის შემდეგ კართაგენის ხელისუფლების სათავეში მოექცა მაგონი. მაგონის გატარებულმა რეფორმებმა საფუძველი ჩაუყარა კართაგენის ძლიერებას. რომაელი ისტორიკოსის, პომპეუს ტროგუსის გადმოცემით, მაგონმა მოაწესრიგა ქვეყნის სამხედრო ორგანიზაცია, ჩამოაყალიბა ორიგარქიის ძირითადი დასაყრდენი – დაქირავებული არმია. ამიერიდან არმია გახდა უმნიშვნელოვანესი პოლიტიკური ძალა, რომელსაც კართაგენის საერო ხელისუფლება უსიტყვოდ ემორჩილებოდა. ქალაქის პრეტსი ჩამოშორდა სამხედრო სამსახურს და მისი გავლენა სახელმწიფოებრივ საქმიანობაზე საგრძნობლად შემცირდა. ძვ. წ. VI-V საუკუნეებში კართაგენში სამხედრო დიქტატურა დამყარდა. მაგონიღებმა მტკიცედ აიღეს ხელში ძალაუფლება. ბერძენი ავტორები მათ მეფეებად მოიხსენიებენ. ცნობილია მაგონიღების გვარის სამი თაობა. ძვ. წ. V საუკუნის მეორე ნახევარში მაგონიღები ხელისუფლებას ჩამოაშორეს. ანტიკური ავტორების გადმოცემით, მთავარსარდალთა ამ ოჯახის საქმიანობის ატანა თავისუფალი სახელმწიფოსთვის სამძიმო გახდა. ორიგარქიამ ბრძოლა დაიწყო ქვეყნის მართვა-გამგეობაში მონაწილეობის მისაღებად. ეს ბრძოლა მათი გამარჯვებით დამთავრდა. მაგონიღების ბატონობა დაემხო. კართაგენში დამყარდა ორიგარქიული რესპუბლიკური წყობილება. მთელი ძალაუფლება მსხვირი მონათმფლობელებისა და მდიდარი ვაჭრების ხელში გადავიდა.

ორიგარქიული წყობილების დამყარებამ შეცვალა ყველა ადრინდელი მაგისტრატის ფუნქცია და მოვადგო. უმაღლესი თანამდებობის პირი გახდა სუფეტი. ყოველწიურად კართაგენის სახადხო კრება ორ სუფეტს ირჩევდა (სუფეტი – ფინიკიურად «შოფეტი», მოსამართლეს ნიშნავს. ბერძენი ავტორები სუფეტებს მეფეებს უწოდებენ). ბერძენ-რომაელი მწერლები დიდ მსგავსებას ხედავდნენ კართაგენის სუფეტებისა და რომის კონსულების უფლებამოსილებას შორის. თანამდებობაზე მათი ყოფნის ვალაც ერთგვაროვანი იყო – ერთი წელი.

კართაგენის მთავარ პოლიტიკურ ორგანოს უხუცესთა საბჭო – სენატი წარმოადგენდა, რომლის შემადგენლობა, რესპუბლიკური გადატრიალების შემდეგ, 300 წევრამდე გაიზარდა. სენატის შემადგენლობაში შედიოდნენ მსხვირი მონათმფლობელები, ფინანსისტები და ვაჭრები. სენატი სუფეტებთან ერთად ყველა მნიშვნელოვან

საკითხს წყვეტდა.

რესპუბლიკური გადატრიალების შემდეგ რეორგანიზაცია განიცადა 10-ის საბჭოთა, რომელშიც წარჩინებული კართაგენელები შედიოდნენ. მისი შემადგენლობა 30 წევრამდე გაიზარდა და რესპუბლიკის უმაღლეს ორგანოდ იქცა. 30-ის საბჭო წინასწარ იხილავდა დიდ საბჭოზე – სენატის სხდომაზე – გასატან საკითხებს.

კართაგენში განუსაზღვრელი უფლებებით სარგებლობდა მთავარსარდალი, რის გამოც რომაელები მას დიქტატორს უწოდებდნენ. ბერძენი მწერლების დახასიათებით მთავარსარდალი მშვიდობიანობის დროს მოქმედებდა ოდიგარქიულად, ომიანობის დროს – მონარქიულად. კართაგენის ყველა მაგისტრატის უფლება-მოვალეობის ვადა მკაცრად იყო განსაზღვრული, გარდა მთავარსარდლის თანამდებობისა.

ქვეყნის მართვა-გამგეობის საქმეში თვადსაჩინო როლს ასრულებდნენ კოლეგიალური კომისიები. განსაკუთრებული ფუნქციებით იყო აღჭურვილი პენტარხია, ხუთი წევრისგან შემდგარი კომისია, კართაგენის ოდიგარქიული ხელისუფლების ბურჯი. მის წევრებს კოოპტაციის (დამატებითი არჩევა) წესით ნიშნავდნენ თანამდებობაზე. პენტარხიის ფუნქციაში შედიოდა 104-ის კოლეგიის წევრთა დანიშვნა. 104-ის კოლეგიასაც ფართო უფლებები გააჩნდა. ძვ. წ. V საუკუნეში იგი სპეციალურად მთავარსარდლის უფლებების განსაზღვრისთვის შეიქმნა. მას ევალებოდა, მეტვადყურეობა გაეწია მისი საქმიანობისთვის და არ მიეცა მეტისმეტად გაძლიერების საშუალება. კოლეგიის წევრებს პენტარხია წარჩინებული ოჯახების წრიდან ნიშნავდა.

კართაგენის რესპუბლიკის უმაღლესი ორგანო, ფორმალურად, სახადხო კრება იყო. კრება ირჩევდა მაგისტრატებს, იხილავდა ყველა მნიშვნელოვან საკითხს. მაგრამ კართაგენში არჩევნები წარჩინებისა და სიმდიდრის პრინციპით ტარდებოდა და ცხადია, ქადაქის პრებსი ვერ წამოაყენებდა თავისი რიგებიდან პიროვნებას რომელიმე თანამდებობის დასაკავებლად. ამგვარი შეზღუდულობის გამო კართაგენის სახადხო კრება, უმეტესად, ცადკუდი პარტიებისა თუ პირების ნება-სურვილის აღმსრულებელი იყო. სახადხო კრება სრულ ფუნქციებს მხოლოდ მაშინ იძენდა, როდესაც ოდიგარქიულ ორგანოთა შორის უთანხმოება წარმოიშობოდა. ასეთ შემთხვევაში კრება, ფაქტობრივად, უმაღლეს განმკარგულებელ ორგანოდ გარდაიქმნებოდა ხოლმე. იგი არა მარტო იხილავდა სუფეტების მიერ შეტანილ საკითხებს, არამედ თავის მხრიდანაც წამოაყენებდა წინადადებებს და იღებდა გადაწყვეტილებებს. მაგრამ ასეთი რამ კართაგენის ისტორიაში იშვიათად ხდებოდა.

ძვ. წ. V საუკუნეში ჩამოყალიბებული სახელმწიფო წყობის ამ სისტემით ხელმძღვანელობდა კართაგენის პეტოკრატია, როგორც საშინაო, ისე საგარეო პოლიტიკის წარმართვაში. ანტიკური ავტორები აღნიშნავენ, «არც ერთ სახელმწიფოში სიმდიდრეს ისეთი მნიშვნელობა არ ჰქონია, როგორც კართაგენში».

კართაგენის ეკონომიკური ძლიერების საფუძველი დანიანურებული სოფლის მეურნეობა და საშუამავლო ვაჭრობა იყო.

ფინიკიური წარწერები და უამრავი არქეოლოგიური მასალა, რომელთაც ასე მდიდარია ხმელთაშუა ზღვის სანაპიროები, იმაზე მიუთითებს, რომ კართაგენელები, საუკუნეთა განმავლობაში, ხმელთაშუა ზღვის აუზის ხადხო დამაკავშირებელი იყვნენ.